



LAPORAN LIPUTAN MEDIA HARIAN  
JUMAAT 13 JANUARI 2023

<b>BIL.</b>	<b>TAJUK KERATAN AKHBAR</b>	<b>KEMENTERIAN / JABATAN / AGENSI</b>
1. 2.	MAFS CAKNA MASALAH NELAYAN, SH -ONLINE EGG OPERATORS CALL FOR FLOATING EGG PRICES, NATION, CHINA PRESS -A3	KEMENTERIAN PERTANIAN DAN KETERJAMINAN MAKANAN (MAFS)
3. 4. 5. 6. 7. 8.	ISU BEKALAN TELUR SELESAI 3 BULAN LAGI, HM -ONLINE TELUR KEKAL DI BAWAH HARGA KAWALAN, UM -ONLINE KERAJAAN TERUS KAWAL HARGA TELUR AYAM, NEGARA, KOSMO -6 KEMENTERIAN UTAMA SIASAT KARTEL SEKTOR MAKANAN, PERTANIAN, NASIONAL, BH -15 8 JENIS BARANGAN KAWALAN SEMPENA PERAYAAN DIWARTA, NASIONAL, BH -15 TELITI DAKWAAN CAJ TERSEMBUNYI HARGA TELUR, NASIONAL, BH -15	LAIN-LAIN

UKK MAFS

UNIT KOMUNIKASI KORPORAT  
KEMENTERIAN PERTANIAN DAN KETERJAMINAN MAKANAN  
(UNTUK EDARAN DALAMAN MAFS, JABATAN DAN AGENSI SAHAJA)

TARIKH	MEDIA	RUANGAN	MUKA SURAT
13/1/2023	SINAR HARIAN	ONLINE	

## MAFS cakna masalah nelayan



Menteri Pertanian dan Keterjaminan Makanan, Mohamad Sabu (tengah) turun padang bagi menjayakan Program Jiwa Murni LKIM dan Majlis Penyampaian Bantuan Kepada Nelayan Negeri Kedah di Kuala Kedah pada Khamis.

KUALA KEDAH - Kementerian Pertanian dan Keterjaminan Makanan (MAFS) melalui Lembaga Kemajuan Ikan Malaysia (LKIM) sentiasa bersiap siaga dan cakna dengan setiap permasalahan yang dihadapi oleh kumpulan sasar nelayan.

Unit Komunikasi Korporat LKIM dalam satu kenyataan pada Khamis memaklumkan, ia demi memastikan kebajikan nelayan terus diperkasakan, sekali gus memastikan keselesaan dan keperluan golongan tersebut diberi perhatian sewajarnya.

"MAFS juga komited menyediakan pelbagai bantuan yang komprehensif bagi meringankan beban nelayan menerusi LKIM. Untuk tujuan tersebut, penilaian secara menyeluruh dilaksanakan dari semasa ke semasa agar keperluan golongan sasar dapat diteliti bagi menyediakan bantuan sewajarnya kepada mereka.

"Kementerian melalui LKIM juga sentiasa berusaha dan komited untuk membantu meringankan beban ditanggung golongan sasar nelayan, selain memastikan kebajikan dan keselamatan mereka terjaga sebagai dokongan dalam memastikan sekuriti makanan sentiasa terjamin dalam apa jua keadaan," menurut kenyataan itu.

Sebelum itu, Menteri Pertanian dan Keterjaminan Makanan, Mohamad Sabu turun padang bagi menjayakan Program Jiwa Murni LKIM dan Majlis Penyampaian Bantuan kepada nelayan Kedah pada Khamis.

Hadir sama, Ketua Setiausaha MAFS, Datuk Haslina Abdul Hamid; Ketua Pengarah LKIM, Yusoff Othman; Pengerusi Persatuan Nelayan Kebangsaan (Nekmat), Abdul Hamid Bahari dan Presiden/Ketua Pegawai Eksekutif Agrobank, Datuk Tengku Ahmad Badli Shah Raja Hussin.

Turut disampaikan, Elaun Sara Hidup Nelayan (ESHN) sebanyak RM300 kepada 690 orang nelayan yang merupakan ahli Persatuan Nelayan Kawasan (PNK) Kuala Kedah melibatkan peruntukan sebanyak RM207,000

Untuk rekod, sebanyak RM8.08 juta telah disalurkan melalui peruntukan ESHN LKIM bagi manfaat seramai 2,224 penerima pada 2022 bagi negeri Kedah.

Dalam pada itu, setiap PNK di Kedah turut menerima Bantuan Touch Point sebanyak RM50,000 dengan setiap PNK di negeri ini masing-masing menerima RM10,000 untuk diberikan kepada nelayan ahli persatuan yang berkelayakan bagi pembelian peralatan menangkap ikan seperti pukot dan tong ikan berinsulasi.

Pada majlis sama, turut disampaikan bantuan sumbangan zakat Agrobank sebanyak RM200 kepada 100 orang asnaf miskin nelayan PNK Kuala Kedah selain pemberian Sijil Penghargaan Program Agro Nisaa' kepada lima orang penerima program pembiayaan komuniti nelayan di Kuala Kedah.

la hasil kerjasama strategik Agrobank dan Nekmat bagi menyokong komuniti nelayan dalam memastikan pendapatan isi rumah sosioekonomi komuniti nelayan dapat ditingkatkan.

Seramai 25 peserta terbahagi kepada lima kumpulan di kawasan Kuala Kedah dan sekitarnya juga mendapat manfaat dari program berkenaan dengan nilai pembiayaan melebihi RM150,000,

Program itu dilihat dapat membantu meningkatkan purata pendapatan usahawan sekitar 40 hingga 60 peratus dari pendapatan sebelumnya.

Sebelum itu, majlis amanat pimpinan MAFS bersama pemimpin persatuan nelayan kebangsaan, negeri dan kawasan negeri Kedah turut diadakan bagi mengeratkan lagi hubungan antara kementerian dengan pemimpin persatuan nelayan dan kumpulan sasaran.

Majlis berkenaan turut membincangkan segala permasalahan, keperluan dan hala tuju PNK menerusi dialog secara bersemuka.

Headline	Egg operators call for floating egg prices		
MediaTitle	China Press		
Date	13 Jan 2023	Color	Full Color
Section	Nation	Circulation	127,822
Page No	A3	Readership	383,466
Language	Chinese	ArticleSize	241 cm <sup>2</sup>
Journalist	N/A	AdValue	RM 4,754
Frequency	Daily	PR Value	RM 14,262



## 入口貴蛋何必統制？

### 業者吁價格自由浮動

（賽城12日訊）蛋雞場業者認為，當大馬從印度引入價格更高的雞蛋時，政府統制雞蛋價格之舉就徒然了，因此促請政府廢除這項政策。

業內消息人士告知《馬來西亞前鋒報》，許多蛋雞場業者如今都处于破產邊緣，僅依靠政府的補貼以支付營運成本苦撐。

消息指出，如今在農場生產一個雞蛋的成本已達到45仙，其中70至80%成本涉及雞飼料，而這筆成本還不包括水電費和員工薪金。

他認為，政府應考慮廢除統制雞蛋價格的政策，讓價格根據需求與供應浮動，以保障本地雞蛋業者不會因此被“滅亡”。

“當政府引入印度雞蛋，每個雞蛋價格是50仙，或30個15令吉。若政府廢除統制價格，對本地雞蛋業者來說，售價將會大致相同，即每個雞蛋大約50仙。

消息人士指出，兩者差別在於從衛生和安全角度而言，本地農場相較外國供應商更易監督。

#### 依靠政府補貼

“若政府幫助本地雞蛋業者，我們會為本地人提供工作機會。同時，我們也有繳稅和幫助維護國家的食品安全。”

他提及，基於政府統制雞蛋價格，如今業者面對難以繼續經營的問題，因為他們只能依靠政府的補貼賺取利潤。



■农业及食品安全部长莫哈末沙布（中）巡视印度的鸡蛋生产基地。（档案照）

“如果要依靠售卖鸡蛋（赚钱），其实我们面对亏损，因为在现有价格统制下售卖鸡蛋，实际上赚不到钱。”

“况且，从接受的补贴而言，只有不到10%可被称为利润。”

MIR鸡蛋供应商依斯迈阿都拉赞同政府废除统制鸡蛋价格政策，唯他也促请政府，监督垄断联盟和第三方可能会借此牟利、甚至将价格提高到不合理水平的行为。

TARIKH	MEDIA	RUANGAN	MUKA SURAT
13/1/2023	HARIAN METRO	ONLINE	

## Isu bekalan telur selesai 3 bulan lagi



SALAHUDDIN (tengah) bersama Ketua Pengarah Penguat Kuasa KPDN Azman Adam (kanan) melakukan tinjauan selepas merasmikan Skim Harga Maksimum Musim Perayaan Tahun Baru Cina 2023 di Mergong, Alor Setar. FOTO Luqman Hakim Zubir.

Alor Setar: Kementerian Perdagangan Dalam Negeri dan Kos Sara Hidup (KPDN)ewartakan sebanyak lapan jenis barangan dalam pelaksanaan Skim Harga Maksimum Musim Perayaan (SHMMP) Tahun Baharu Cina2023 bermula dari 15 hingga 29 Januari ini .

Menterinya, Datuk Seri Salahuddin Ayub berkata lapan barangan itu ialah ikan bawal putih, udang putih dan bawang putih dari China.

"Selain itu, ubi kentang import (China), kobis bulat import (Indonesia dan China tidak termasuk Beijing), babi hidup (kawalan di peringkat ladang sahaja), daging babi bahagian perut dan daging babi (daging dan lemak) .

"Pihak penguat kuasa kita akan memantau dan kawal harga ini untuk tujuh hari sebelum perayaan, satu hari semasa perayaan dan tujuh hari selepas perayaan," katanya ketika ditemui sebelum membuat tinjauan barangan keperluan di sebuah pasar raya di sini, hari ini.

Mengulas lanjut, Salahuddin berkata, harga maksimum di peringkat runcit yang ditetapkan bagi ikan bawal putih ialah RM42 sekilogram manakala udang putih RM39 sekilogram, bawang putih RM8.50 sekilogram dan ubi kentang RM4 sekilogram.

Katanya, kubis bulat ditetapkan pada harga RM4 sekilogram, babi hidup kawalan peringkat ladang sahaja RM15 sekilogram, daging babi bahagian perut RM36 sekilogram dan daging babi bahagian daging dan lemak RM25 sekilogram.

"Jadi saya harap tidak berlaku mana-mana peniaga ataupun premis yang didenda ataupun diambil tindakan oleh pihak berkuasa.

"Berilah kerjasama supaya kita dapat untuk berikan sedikit kegembiraan kepada rakyat khususnya pada masa sekarang ini kita menghadapi isu kos sara hidup," katanya.

Sementara itu, Salahuddin berkata pihaknya meminta pengguna terus membuat laporan sekiranya menghadapi masalah bekalan telur di kawasan mereka untuk tindakan segera diambil pihaknya.

"Sepanjang kita buat Ops Terjah ini, semalam saya dapat laporan di Jempol (tempat yang kekurangan bekalan telur), sebelum itu saya dapat laporan ada berlaku di Johor Bahru, sebelum itu kita dapat laporan di sempadan Kedah.

"Jadi, saya sudah meminta pegawai penguat kuasa membuat pemeriksaan serta-merta dan perkara itu kita boleh atasi dalam kadar yang cepat.

Salahuddin berkata, hasil daripada mesyuarat bersama Kementerian Pertanian dan Keterjaminan Makanan (MAFS), isu bekalan telur dijangka akan selesai dalam tempoh tiga bulan lagi.

TARIKH	MEDIA	RUANGAN	MUKA SURAT
13/1/2023	UTUSAN MALAYSIA	ONLINE	

## Telur kekal di bawah harga kawalan



FUZIAH Salleh berbual dengan peniaga nanas yang menyertai Karnival Jualan Rahmah di Kompleks Belia dan Sukan, Alor Setar. -UTUSAN/MOHD RAFIE AZIMI

ALOR SETAR: Kerajaan masih berpegang kepada pendirian untuk meletakkan telur di bawah harga kawalan dan tidak mengapungkan harganya seperti dimahukan oleh pihak tertentu yang terlibat dalam sektor bekalan dan penjualan sumber protein tersebut.

Timbalan Menteri Perdagangan Dalam Negeri dan Kos Sara Hidup, Fuziah Salleh berkata, situasi semasa kini menampakkan rakyat masih memerlukan supaya harga telur dikawal dan Perdana Menteri, Datuk Seri Anwar Ibrahim juga menyatakan hasrat agar kerajaan mengawal harganya.

“Ada dua perkara sebenarnya berkaitan isu ini iaitu pertamanya, bekalan telur yang mana kita kini sudah berada di fasa terakhir bagi menstabilkan bekalan. Keduanya dari sudut harga kawalan yang Perdana Menteri sendiri menampakkan hasrat dan semangat untuk kawal harga.

“Langkah ini bagaimanapun bukanlah untuk selama-lamanya sebaliknya cuma sementara hingga ekonomi kita kembali pulih dan pengguna ada kuasa membeli. Setakat ini rakyat masih memerlukan harga telur yang dikawal. Disebabkan itu, kita masih berpegang kepada pendirian untuk mengekalkan apa yang ada sekarang (kawalan harga telur),” katanya.

Beliau berkata demikian dalam sidang akhbar selepas melancarkan ‘aduan suri’ dan peremajaan semula saluran aduan kepenggunaan Kementerian Perdagangan Dalam Negeri Dan Kos Sara Hidup (KPDN) bersempena Karnival Jualan Rahmah di sini, hari ini.

Laporan muka depan *Utusan Malaysia* hari ini menyebut, pengusaha ladang ayam penelur mendesak kerajaan memansuhkan skim kawalan harga sumber protein itu yang disifatkan sebagai sia-sia ketika Malaysia turut mengimport produk berkenaan dari India hingga menyebabkan harganya menjadi lebih mahal.

Menurut laporan itu, ramai dalam kalangan pengusaha ladang ayam telur kini di ambang muflis dan bertahan hanya kerana bergantung kepada pembayaran subsidi kerajaan bagi menampung kos operasi mengeluarkan telur.

Sementara itu, Fuziah berkata, siasatan sedang dilakukan terhadap pihak yang didakwa mengambil keuntungan lebih hingga memaksa peruncit mengenakan caj-caj tertentu seperti caj pengendalian dan pengangkutan kepada pelanggan.

Katanya, semakin mendapati ada dalam kalangan pekedai dan peruncit terpaksa mengenakan caj tersebut kepada pengguna kerana mereka sendiri mendapatkan bekalan telur pada harga jualan dan bukannya harga borong.

“Sepatutnya apabila sampai kepada peruncit, mereka masih boleh buat untung apabila dijual kepada pengguna tetapi sekarang ini kita terima aduan yang mereka pun dapat bekalan pada harga jualan menyebabkan pengguna dicaj dan apabila itu berlaku, kita tak salahkan peruncit sepenuhnya,” katanya.

Dalam mengatasi masalah tersebut kata beliau, KPDN sebagai sekretariat kepada Majlis Tindakan Kos Sara Hidup terus menjalin kerjasama dengan beberapa kementerian termasuk Kementerian Pertanian dan Keterjaminan Makanan. –[UTUSAN](#)



TARIKH	MEDIA	RUANGAN	MUKA SURAT
13/1/2023	UTUSAN MALAYSIA	DALAM NEGERI	2

# Telur kekal di bawah harga kawalan

**ALOR SETAR:** Telur akan kekal di bawah harga kawalan dan tidak akan diapungkan seperti dimahukan oleh pihak tertentu yang terlibat dalam sektor bekalan dan penjualan sumber protein tersebut.

Timbalan Menteri Perdagangan Dalam Negeri dan Kos Sara Hidup, Fuziah Salleh berkata, situasi semasa kini memerlukan rakyat masih memerlukan supaya harga telur dikawal dan Perdana Men-

teri, Datuk Seri Anwar Ibrahim juga menyatakan hasrat agar kerajaan mengawal harganya.

“Ada dua perkara sebenarnya berkaitan isu ini iaitu pertamanya, bekalan telur yang mana kita kini sudah berada di fasa terakhir bagi menstabilkan harga kawalan yang Perdana Menteri sendiri menampakkan hasrat dan semangat untuk kawal harga.

“Langkah ini bagaimanapun

bukanlah untuk selama-lamanya sebaliknya cuma sementara hingga ekonomi kita kembali pulih dan pengguna ada kuasa membeli. Setakat ini rakyat masih memerlukan harga telur yang dikawal. Disebabkan itu, kita masih berpegang kepada pendirian untuk mengekalkan apa yang ada sekarang (kawalan harga telur),” katanya.

Beliau berkata demikian selepas melancarkan ‘aduan suri’ dan peremajaan semula saluran

aduan kepenggunaan Kementerian Perdagangan Dalam Negeri Dan Kos Sara Hidup (KPDN) bersempena Karnival Jualan Rahmah di sini semalam.

Laporan muka depan *Utusan Malaysia* hari ini menyebut, pengusahanya ladang ayam penelur mendesak kerajaan memansuhkan skim kawalan harga bekalan tersebut yang disifatkan sebagai sia-sia apabila negara turut mengimport produk berkenaan yang juga mahal.

# Kerajaan terus kawal harga telur ayam

**ALOR SETAR** – Kerajaan masih berpegang kepada pendirian untuk tidak mengapungkan harga telur ayam seperti diminta pihak tertentu yang terlibat dalam sektor bekalan serta penjualan.

Timbalan Menteri Perdagangan Dalam Negeri dan Kos Sara Hidup, Senator Fuziah Salleh berkata, situasi semasa ketika ini memerlukan rakyat masih memerlukan supaya harga telur dikawal.

Malah katanya, Perdana Menteri, Datuk Seri Anwar Ibrahim juga menampakan hasrat beliau agar kerajaan mengawal harga telur buat sementara waktu.

Menurutnya, terdapat dua perkara sebenarnya berkaitan isu tersebut iaitu pertamanya, mengenai bekalan telur yang mana negara kini sudah berada di fasa terakhir bagi menstabilkan bekalan.

"Boleh dikatakan kita kini sudah sampai ke penghujung fasa dan sudah tiba ke peringkat agak stabil.

"Keduanya daripada sudut harga kawalan yang mana Perdana Menteri sendiri menam-



**FUZIAH (dua dari kanan) beramah mesra dengan peniaga pada Karnival Jualan Rahmah di Kompleks Belia dan Sukan di Alor Setar semalam.**

pakkan hasrat dan semangat untuk mengawal harga. Langkah ini bagaimanapun bukanlah untuk selama-lamanya, sebaliknya cuma sementara hingga ekonomi kita kembali pulih dan pengguna ada kuasa membeli.

"Setakat ini rakyat masih memerlukan harga telur yang dikawal. Disebabkan itu, kita masih

Hidup bersempena Karnival Jualan Rahmah di Kompleks Belia dan Sukan, di sini semalam.

Sementara itu, Fuziah berkata, pihaknya sedang menyiasat pihak yang didakwa mengambil keuntungan lebih sehingga maksima peruncit mengenakan caj tertentu seperti caj pengendalian dan pengangkutan kepada pengguna.

Katanya, semakan pihaknya mendapati ada dalam kalangan pekedai dan peruncit terpaksa mengenakan caj tersebut kerana mereka sendiri mendapatkan bekalan telur pada harga jualan dan bukannya harga borong.

"Sepatutnya telur ini apabila sampai kepada peruncit, mereka masih boleh buat untung apabila dijual kepada pengguna tetapi sekarang ini kita ada terima aduan yang mereka pun memperolehi bekalan pada harga jualan.

"Apabila itu berlaku, kita pun tak salahkan peruncit sepenuhnya. Oleh itu siasatan sedang dijalankan untuk tengok lapisan mana yang mengambil 'lebih' kerana perkara ini tidak seharusnya dibiarkan," katanya.

berpegang kepada pendirian untuk mengekalkan apa yang ada sekarang (mengawal harga telur)," katanya.

Beliau berkata demikian pada sidang akhbar selepas melancarkan 'aduan suri' dan peremajaan semula saluran aduan kegunaan Kementerian Perdagangan Dalam Negeri dan Kos Sara

# Kementerian utama siasat kartel sektor makanan, pertanian

## MyCC digesa perhebat usaha hapus kegiatan monopoli

**Kuala Lumpur:** Menyiasat aktiviti kartel dalam sektor makanan dan pertanian menjadi keutamaan Kementerian Perdagangan Dalam Negeri dan Kos Sara Hidup (KPDN) pada tahun ini, kata Menteri, Datuk Seri Salahuddin Ayub.

Beliau berkata, aktiviti kartel sudah terlalu lama mengambil kesempatan ke atas rakyat dan kerajaan, jadi sudah tiba masanya kegiatan tidak bermoral itu dihentikan.

Katanya, Suruhanjaya Persaingan Malaysia (MyCC) sudah melaksanakan pelbagai usaha dan tindakan terhadap kartel dengan monopoli membabitkan penalti kewangan bernilai kira-kira RM175 juta. "Pencapaian ini mesti diteruskan. Kartel dan monopoli tidak boleh dibenarkan wujud kerana mereka mengganggu persaingan dalam pasaran

demasi faedah syarikat perniagaan, sekaligus mempengaruhi kos sara hidup.

"Justeru saya menggesa MyCC memperhebat usahanya dalam menghapuskan kegiatan ini dan sebagai anggota Kabinet, saya memberi jaminan bahawa kerajaan akan memberi sokongan penuh kepada MyCC untuk menghapuskan atau mengurangkan kuasa kartel dan monopoli," katanya berucap merasmikan Siri Syarahan Kedua Profesor Richard Whish di sini, semalam.

Yang hadir sama, Ketua Pegawai MyCC, Iskandar Ismail.

### Kawalan penggabungan

Salahuddin berkata, MyCC akan turut memfokuskan kepada usaha mewujudkan penguatkuasaan kawalan penggabungan, memandangkan ia kini tiada dalam undang-undang persaingan di Malaysia.

Beliau berkata, penguatkuasaan kawalan penggabungan penting bagi memastikan pengguna tidak terjejas dengan monopoli baharu yang terhasil daripada penggabungan antara pemain utama industri.

"Kita melihat impak penggabungan (berciri) besar di seluruh dunia dan di negara ini.

Kita perlu ingat Malaysia adalah negara perdagangan dengan ekonomi yang berkembang. Kita tidak boleh ada penumpuan pasaran, terutama dalam bidang penting seperti perkhidmatan, peruncitan, makanan dan sektor pertanian.

"Jika tidak dikawal, penggabungan akan turut digunakan untuk menyamari pembentukan kartel. Oleh sebab itu MyCC mendapat sokongan penuh saya dalam perkara ini dan bersama-sama, kita akan memastikan pindaan Akta Persaingan 2010 dan Akta Suruhanjaya Persaingan 2010 dibentangi di Parlimen secepat mungkin," katanya.

Bagi memastikan MyCC kekal relevan dengan trend semasa dan masa depan susulan ekonomi digital, Salahuddin berkata, badan kawal selia itu tidak lama lagi akan menjalankan kajian pasaran bagi mengenal pasti punca sebenar dalam pasaran digital sedia ada yang mengagut persaingan.

"Ja akan melihat kepada struktur pasaran termasuk pengendalian syarikat, pembekal dan pengguna dalam rantaian bekalan serta memberi cadangan sewajarnya," katanya.

BERNAMA



Salahuddin (dua kanan) meninjau barangan keperluan di sebuah pasar raya di Alor Setar, semalam. (Foto Luqman Hakim Zubir/BH)

## 8 jenis barangan kawalan sempena perayaan diwartakan

**Alor Setar:** Kementerian Perdagangan Dalam Negeri dan Kos Sara Hidup (KPDN) mewartakan lapan jenis barangan dalam pelaksanaan Skim Harga Maksimum Musim Perayaan (SHMMP) Tahun Baharu Cina 2023 bermula 15 hingga 29 Januari ini.

Menterinya, Datuk Seri Salahuddin Ayub, berkata lapan barangan itu ialah ikan bawal putih, udang putih dan bawang putih dari China.

"Selain itu barang berkenaan adalah ubi kentang import (China), kubis bulat import (Indonesia dan China tidak termasuk Beijing), babi hidup (kawalan di peringkat ladang saja), daging babi bahagian perut dan daging babi (daging dan lemak).

"Pihak penguat kuasa kita akan memantau dan kawal harga ini untuk tujuh hari sebelum perayaan, sehari ketika perayaan dan tujuh hari selepas perayaan," katanya sebelum meninjau barangan keperluan di sebuah pasar raya di sini, semalam.

Salahuddin berkata, harga maksimum di peringkat runcit yang ditetapkan bagi ikan bawal putih ialah RM42 sekilogram, manakala udang putih RM39 sekilogram, bawang putih (RM8.50) dan ubi kentang RM4 sekilogram.

Katanya, kubis bulat ditetapkan berharga RM4 sekilogram, babi hidup kawalan peringkat ladang sahaja RM15 sekilogram, daging babi bahagian perut RM36 sekilogram dan daging babi bahagian daging dan lemak RM25 sekilogram," katanya.

Sementara itu, Salahuddin berkata pihaknya meminta pengguna membuat laporan jika menghadapi masalah bekalan telur di kawasan mereka untuk tindakan segera diambil pihaknya.

"Sepanjang Ops Terjah, semalam (keimarin) saya dapat laporan di Jempol (tempat yang kekurangan bekalan telur), sebelum itu berlaku di Johor Bahru dan di sempadan Kedah," katanya.

# Teliti dakwaan caj tersembunyi harga telur

**Alor Setar:** Kementerian Perdagangan Dalam Negeri dan Kos Sara Hidup akan menyiasat lanjut dakwaan peniaga mengenakan caj tersembunyi bagi penjualan telur ayam.

Timbalan Menteri, Fuziah Salleh, berkata ia hasil maklumat awal diterima pihaknya yang memaklumkan peniaga terpaksa mengenakan kos tambahan kepada pembeli disebabkan terpaksa menanggung kos yang tinggi.

Beliau berkata, peniaga tidak kira sama ada peniaga runcit atau kedai besar (pasar raya) tidak sepatutnya mengenakan caj tambahan memandangkan telur ayam adalah di bawah harga kawalan.

"Sekiranya barangan itu di bawah harga kawalan, tidak kiralah yang berniaga itu kedai runcit atau kedai besar, harganya masih dikawal.

"Namun, kita juga ambil mak-



Fuziah (empat dari kiri) melihat barangan di Karnival Jualan Rahmah, Kompleks Belia dan Sukan, Alor Setar, semalam. (Foto Zulfitri Zulkafli/BH)

lum bahawa terdapat sesetengah kedai runcit yang menerima harga tinggi daripada pembekal menyebabkan mereka terpaksa menjual pada harga mahal.

"Jadi, siasatan sedang dilakukan bahagian penguat kuasa yang bertanggungjawab untuk menyiasat perkara itu dan kita akan tengok di lapisan mana

yang dikenakan (caj) lebih itu," katanya selepas melancarkan Aduan Suri dan Peremajaan Semula Aduan KPND 'Aduan Suri' sempena Karnival Jualan Rahmah di Kompleks Belia dan Sukan Alor Setar di Jalan Stadium, di sini, semalam.

Beliau berkata demikian ketika mengulas berkaitan kes peruncit diberikan notis berikutan mengenakan caj tambahan terhadap penjualan telur ayam di sekitar daerah Kubang Pasu, pada Isnin lalu.

Fuziah berkata peruncit masih mampu mendapat keuntungan dengan harga kawalan telur ayam ditetapkan kerajaan sebelum ini.

"Namun, sebenarnya kita tidak menyalahkan peruncit sebab mungkin dia sendiri dapatkan telur dengan harga mahal.

"Kita dapati ada beberapa kes sebegini, jadi kita perlu lihat dulu bekalan diperolehi dan peringkat mana yang kita boleh

perbaiki," katanya.

### Peningkatan lebih 10 peratus

Sementara itu, di Kota Bharu, harga beberapa jenis sayuran tidak stabil dan menunjukkan peningkatan sehingga lebih 10 peratus sejak dua minggu lalu.

Tinjauan ke Pusat Transformasi Luar Bandar (RTC) Tunjong, semalam, mendapati antara sayur yang meningkat harganya adalah tomato yang sebelum ini dijual RM5 sekilogram dan meningkat kepada RM7.90 sekilogram.

Pemborong yang juga peruncit sayuran, Ariefin Ahmad, 40, berkata harga borong tomato yang meningkat sejak dua minggu lalu apabila peniaga mendapat harga RM7.90 sekilogram.

Katanya, harga tinggi itu menyebabkan peniaga dalam dilema kerana perlu menjual tidak melebihi RM8 seperti harga siling ditetapkan kerajaan.